

Na osnovu člana 20., stav (4) Zakona o razvojnom planiranju i upravljanju razvojem u Federaciji Bosne i Hercegovine ("Službene novine Federacije BiH", br. 32/17), te na osnovu člana 55. Statuta Općine Ilijaš – prečišćeni tekst ("Službene novine Kantona Sarajevo", br. 20/09) i člana 99. Poslovnika o radu Općinskog vijeća Ilijaš ("Službene novine Kantona Sarajevo", br. 2/10 i 18/15), Općinsko vijeće Ilijaš na svojoj 15. sjednici, održanoj dana 28.12.2017. godine, donijelo je:

ZAKLJUČAK

Član 1.

Utvrđuje se Nacrt "STRATEGIJE ODRŽIVOG RAZVOJA OPĆINE ILIJAŠ ZA PERIOD 2018.-2022. GODINE" i stavlja se na javnu raspravu.

Član 2.

Nacrt "STRATEGIJE ODRŽIVOG RAZVOJA OPĆINE ILIJAŠ ZA PERIOD 2018.-2022. GODINE", stavlja se na javnu raspravu, kako slijedi:

- objavom putem web stranice Općine Ilijaš (<http://www.ilijas.ba>),
- javnim uvidom u maloj sali Općine Ilijaš (zgrada Općine-drugi sprat), svim radnim danima u vremenu od 13:00 h do 15:00 h,
- organizacijom javne prezentacije u sali Općinskog vijeća, na dan 10.01.2018. godine sa početkom u 10:00 sati.

U javnoj raspravi mogu učestvovati: građani općine Ilijaš kao pojedinci, političke stranke, mjesne zajednice, udruženja građana, javne ustanove, javna preduzeća, privrednici, razvojne agencije i druga zainteresirana fizička i pravna lica.

Član 3.

Javna rasprava o Nacrtu "STRATEGIJE ODRŽIVOG RAZVOJA OPĆINE ILIJAŠ ZA PERIOD 2018.-2022. GODINE" se utvrđuje u trajanju od 30 dana, počevši od 03.01.2018. godine.

Član 4.

Nakon provedene javne rasprave zainteresirani subjekti mogu dostaviti primjedbe i prijedloge prema Komisiji za izradu Strategije održivog razvoja Općine Ilijaš za period 2018.-2022. u pisanoj formi ili putem e-mail-a: strategija@ilijas.ba, najkasnije do 02.02.2018. godine do 16:00 sati. Primjedbe i prijedlozi dostavljeni poslije navedenog roka neće biti uzeti u razmatranje.

Član 5.

Ovaj Zaključak stupa na snagu danom donošenja.

Broj: 01/1-28-_____/17
Ilijaš, 28.12.2017. godine

PREDSJEDAVAJUĆI
Općinskog vijeća Ilijaš

Mahir Dević, prof., s.r.